

Sed Theglath-phalasar pro Rege Achaz veniens, Damascum capit; Rafin interfecit, &c. Romanis Syriam totam obtinentibus, Syriæ Præses fuit Cyrinus, qui Cæsaris Augusti edictum promulgavit, ut universus describeretur Orbis. Luc. 2. Syriæ etiam aliquoties mentio est in Act. 15. v. 23. Scrubunt Apostoli, & Seniores fratres his, qui sunt Antiochiæ, & Syriæ, & Ciliciæ. v. 41. Perambulabat Paulus Syriam, & Ciliciam confirmans Ecclesias.

Syri, Syriæ sunt populi.

Syrophœnissa. Hujus nominis unica est mentio; eaque in Novo Testamento. Sed mulier ipsa, quam Syrophœnissam vocat Marcus 7. v. 26. eam Chananæam dicit Matthæus 15. v. 22. forteque genere Chananæa fuit, & quæ in confiniis Syriæ & Phœnices domum haberet.

Syrtis. In navigatione Pauli Romam: Act. Apost. 27. v. 17. Timentes ne in Syrtim incideremus. Geminæ sunt ante littus Africæ Syrtes, impares magnitudine, pari natura, & naufragiis infames.

T.

Tabernacula Cedar. In Cantico Canticorum 1. v. 4. Nigra sum, sed formosa, filiæ Jerusalem, sicut Tabernacula Cedar, sicut pelles Salomonis. Vide Cedar.

Tabernaculum Aber Cinæi. Judic. 4. v. 17. Sisara fugiens venit ad Tabernaculum Jahel uxoris Haber Cinæi, v. 18. qui ingressus Tabernaculum, & opertus ab ea pallio, v. 21. Tulit Jahel uxor Haber clavum Tabernaculi, & posuit supra tempus capitis, percussitque malleo defixit in cerebrum usque ad terram.

Talem, aliàs Telem, urbs in prima regione Tribus Juda est, inter Jethnam-Ziph, & Baloth-Asor, Josue 15. v. 24.

Tamna urbs in octava Tribus Judæ parte, inter alias decem ultima describitur, Josue 15. v. 57.

Tanis, aliàs Taphnis. Numer. 13. v. 23. Nam Hebron septem annis ante Tanim Ægypti condita est. Psalmi 77. v. 12. Coram patribus fecit mirabilia in terra Ægypti, in campo Taneos. Esai. 19. v. 11. & 13. Stulti Principes Taneos. Eandem vocat Taphnim Jerem. 2. v. 16. Filii Memphis & Taphnes... 43. v. 7. ingressi sunt Terram Ægypti... & venerunt usque ad Taphnis. 44. v. 1. Verbum quod factum est per Jeremiam ad omnes Judæos, qui habitabant in Terra Ægypti: habitantes in Magdalo, & in Taphnis, & in Memphis, & in Terra Phatures... sic & 46. v. 14. Vide Magdalum.

Taphua in secunda regione Tribus Judæ, & prope Ængannim, & Enaim describitur, Josue 15. v. 34.

Taphua urbs regia. Josue 12. v. 17. Inter Reges, quos vicit, percussitque, Rex Taphua unus est. Et eidem Josue 16. v. 8. ubi agit de limitibus Tribus Ephraim ad Orientem: De Taphua pertransit contra mare in Vallem arundineti. 17. v. 7. ubi de Tribus Manasse limitibus: Egreditur ad dextram juxta habitatores fontis Taphuæ, v. 8. etenim in sorte Manasse ceciderat terra Taphuæ, quæ est juxta terminos Manasse filiorum Ephraim. Taphua igitur est in terra Ephraim, & in confinio Manasse.

Taphuæ fons. Taphua urbs est in Tribu Ephraim. Fons autem Taphuæ videtur in Tribu Manasse, Josue 17. v. 7. de limite Manasse: & egreditur (inquit) ad dextram juxta habitatores fontis Taphuæ.

Tarichæa Josepho ad littus Maris Galilææ describitur triginta stadiis à Tiberiade, eamque ipse muris cinxit in vita sua, & alibi.

Tarsus. Act. Apost. 21. v. 39. Paulus de se ait: Ego homo sum Judæus

Latit. Gr. Scr.	Longit. Gr. Scr.
--------------------	---------------------

35. 30.	70. 0.
---------	--------

34. 45.	69. 0.
---------	--------

29. 0.	45. 0.
--------	--------

32. 46.	68. 11.
---------	---------

33. 27.	67. 26.
---------	---------

31. 6.	65. 57.
--------	---------

31. 28.	66. 46.
---------	---------

31. 0.	63. 0.
--------	--------

31. 21.	66. 5.
---------	--------

32. 6.	67. 19.
--------	---------

32. 2.	67. 17 $\frac{1}{2}$
--------	----------------------

32. 28.	67. 3.
---------	--------

37. 0.	67. 50.
--------	---------